



OTA "Overdose": Zaplijenjena vozila, slobode lišeno osam osoba

12. April 2023 - 17:19

Policijski službenici Sektora kriminalističke policije i Sektora za policijsku podršku Uprave policije MUP-a Kantona Sarajevo, pod nadzorom tužioca Tužilaštva Bosne i Hercegovine, realizovali su operativno-taktičku akciju „Overdose“ s ciljem dokumentovanja krivičnih djela *Organizovani kriminal* lčl. 250 KZBiH/ u vezi s *Neovlaštenim prometom opojnim drogama* lčl. 195 st. 2 KZBiH/ i *Neovlaštenim prometom oružjem i vojnom opremom te proizvodima dvojne upotrebe* lčl. 193 KZBiH/.

Postupajući po naredbama Suda Bosne i Hercegovine, policijski službenici izvršili su **18 pretresa na više lokacija na području Kantona Sarajevo**: osam stambenih objekata, dva ugostiteljska objekta, šest putničkih motornih vozila i dva motocikla.

Izvršenim pretresima je pronađena određena količina novca, određena količina praškaste materije koja svojim izgledom asocira na opojnu drogu heroin, vatreno oružje – pištolj s pripadajućom municijom, te drugi predmeti koji će biti korišteni u krivičnom postupku.

Policijski službenici su privremeno **oduzeli i šest putničkih motornih vozila** (Mercedes, Škoda, Fiat, BMW i dva VW), te **dva motocikla** (Honda, Yamaha) koji su deponovani u prostor Depoa oduzetih vozila MUP-a Kantona Sarajevo.

Slobode je lišeno ukupno osam osoba, šest muškaraca i dvije žene: A.K. (1989), D.K. (1992), A.Z. (1993), A.S. (1983), A.K. (1994), A.J. (1989), Z.M. (1983) i E.B. (1976). Nad njima se trenutno u službenim prostorijama Uprave policije MUP-a KS provodi kriminalistička obrada.

OTA „Overdose“ rezultat je operativnog rada policijskih službenika koji su vršili analizu podataka dobijenih dešifriranjem komunikacija putem Sky aplikacije među osumnjičenim osobama.

